

Euro Business

Poslovni magazin EEN mreže u Bosni i Hercegovini
Broj 5



- Prva generacija Škole poslovnog engleskog jezika
- Učešće predstavnika EICC na sajmovima u BiH
- Prvi sastanak Evropskog poslovnog kluba
- Usvajanje prvih EC direktiva u tehničke propise BiH




Projekat finansira
Evropska unija

VANJSKOTRGOVINSKA KOMORA BOSNE I HERCEGOVINE
EURO INFO KORESPONDENTNI CENTAR BiH (EICC BiH)

VIJESTI IZ METALURŠKOG INSTITUTA „KEMAL KAPETANOVIĆ“ ZENICA



Laboratorijska ispitivanja i edukacija



Dana 11. Marta 2010. godine održan je sastanak Savjetodavnog vijeća za akreditiranje (SVA) povodom početka rada Edukacionog centra BATA-e kojem je prisustvovala i Prof. dr. Mirsada Oruč-član Vijeća. Ovom prilikom ukazano je na značaj i najvažnije zadatke i ciljeve projekta „Jačanje sistema akreditovanja u BiH, te značaj akreditacije u Evropi i svijetu. Pored predsjedavajućeg SVA g-din Mirsad Pojskić, te direktora BATA-e g-din Žarka Petrović, navedene teme su izlagali ključni eksperti konzorcija: g-din Hansgeorg Thiele i g-din Jorgen Blom.

Simpozij „Metalni i nemetalni materijali“

U periodu od 27.-28. aprila 2010 godine održan je VIII Naučnostručni simpozij sa međunarodnim učešćem u organizaciji Fakulteta za metalurgiju i materijale Univerziteta u Zenici. U okviru ovog simpozija organizovane su slijedeće aktivnosti:

1. Promocija monografije povodom 50 godina Fakulteta za metalurgiju i materijale i visokog obrazovanja u Zenici
2. Otvaranje skupa u okviru kojeg je prezentovan ArcelorMittal i BH Telecom
3. Prezentacija radova u tri paralelne sekcije:

- Metalni materijali,
- Nemetalni materijali,
- Zaštita radne i životne sredine i održivi razvoj

4. Rezime Simpozija

5. Posjeta Kraljevoj Sutjesci.

Metalurški institut „Kemal Kapetanović“ Zenica je učestvovao na ovom skupu sa tri rada:

- Prilog strategiji razvoja novih materijala u BiH, (Mirsada Oruč, Milenko Rimac, Nafija Šehić-Mušić)
- Uticaj sadržaja δ -ferita na mehanička svojstva austenitnog nehrđajućeg čelika, (Almaida Gigović-Gekić, Mirsada Oruč)
- Uticaj aluminija i titana na temperaturu rekristalizacije Superlegure Nimonic 80A, (Omer Beganović, Branka Muminović, Belma Fakić, Faik Uzunović)



„UNIADRION MEDIA 2010 COURSE IN STREAMING TECHNOLOGIES FOR THE WEB“

U periodu od 23 do 26. 02. 2010. godine u Multimedijalnom centru Univerziteta u Zenici Metalurški Institut „Kemal Kapetanović“ Zenica, održan je Seminar pod nazivom:

„Uniadrion Media 2010 Course in Streaming technologies for the Web“.

Seminar je namijenjen Web administratorima, studentima, asistentima i svim drugim osobama koje se bave uređenjem Web stranica.

Ovom seminaru su prisustvovali i zaposlenici Instituta Azra Emić, ecc i Nermin Mutapčić.

Seminar je održan u suradnji Univerziteta u Zenici, Zdravstvenog fakulteta i Uniadrion – Virtual University of the Adriatic – Ionian basin and University of Bologna.

Predavač Seminara je prof. Cristiano Leoni, e-LearningLab CELAB University of Bologna - Polo Forli.



SEMINAR O APLICIRANJU NA TEMPUS PROJEKAT

09.02.2010. godine u Rektoratu Univerziteta u Zenici održan je Seminar o apliciranju na Tempus projekat. Pored dekana fakulteta Univerziteta u Zenici, QA menadžera, ECTS koordinatora, ovom seminaru su prisustvovali i članovi Evropske poduzetničke mreže BiH Partnera Metalurškog instituta „Kemal Kapetanović“ Zenica.

Seminar je održao direktor BiH Kancelarije TEMPUS-a kojom prilikom je prisutne pozvao na učešće u ovom projektu, te ukazao na najčešće propuste kod prijavljivanja.

MEĐUNARODNA AKREDITACIJA LABORATORIJA

Današnje, veoma turbulentno vrijeme i okruženje u kojem preduzeća posluju, nameću preduzećima poduzetničko poslovanje odnosno neprestanu inovativnost u radu kako bi bilo spremno na zadovoljenje potreba i zahtjeva tržišta koji se neprestano mijenjaju. Preduzeća, da bi opstala na tržištu moraju biti orjentisana kupcu, a ne proizvodnji. Potrebno je osluškivati tržište, predviđati i stvratiti potrebe kako bi preduzeće bilo interesantno i stvorilo šansu za uspjeh. Pored toga poželjno je da preduzeća svoj rad i kvalitet verifikuju kod ovlaštenih institucija priznatih od strane tržišta.

U cilju poboljšanja kvaliteta svojih usluga i približavanja kupcu Metalurški institut „Kemal Kapetanović“ Zenica je definisao jedan od strateških pravaca u svom poslovanju ka uspostavljanju sistema kvaliteta u obavljanju usluga. Ovo strateško usmjerenje omogućava Institutu jačanje konkurentne prednosti prvenstveno, a stvara i pretpostavke za olakšanje poslovanja BiH privrednika tako što će u svom okruženju imati instituciju koja će vršiti ispitivanja njihovih proizvoda sa čijim certifikatom će moći izaći na međunarodno tržište.

U okviru tih aktivnosti u Metalurškom institutu „Kemal Kapetanović“ Zenica, Univerziteta u Zenici u periodu od 02. do 05. marta 2010. godine obavljeno ocjenjivanje pet laboratorija od strane Norveškog akreditacionog tijela, a u cilju sticanja međunarodne akreditacije.

Ocjenjivački Tim je prema usaglašenom planu sa rukovodiocima i osobljem laboratorija izvršio ocjenu laboratorija Instituta:

- Mehanički ispitni, Metalografski laboratorij, Fizikalni laboratorij - u području NDT ispitivanja,
- Mehanički kalibracioni laboratorij - u području sile i tvrdoće.

Ocjenjivački Tim je izrazio zadovoljstvo i sve pohvale za edukovano osoblje, radnu i organizacijsku kulturu, te ukazao na manje nedostatke za čije korekcije je ostavljen kraći vremenski period, nakon čega bi uslijedila akreditacija.

